

# 'Terimakasih, Tunku.' 'O.K., O.K....'

**BEKAS** Perdana Menteri, Tunku Abdul Rahman Putra Al-haj, bercerita sesuatu kepada Datuk Harun Haji Idris di kediamannya di Jalan Tunku, Kuala Lumpur pagi semalam.

Bekas Menteri Besar Selangor itu mengunjungi Tunku untuk mengucapkan terima kasih atas usaha-usaha Tunku sehingga hukumannya dapat dikurangkan.

Tunku Abdul Rahmanlah yang berusaha hingga membolehkan Datuk Harun diampun dan surat rayuan itu telahpun disampaikan kepada Yang di-Pertuan Agong melalui Datuk Seri Dr. Mahathir Mohamad (ketika itu Pemangku Perdana Menteri) pada bulan Februari.

Datuk Harun dibebaskan setelah dipenjarakan 40 bulan atas kesalahan rasuah dan pecah amanah.

